

Gallica appellat, *Ambactos*, honoris quodam loco circum se habebant, eorumque opera in bellis utebantur. *Victus*
 Fictilia porro in usu habebant, Diodoro teste, densa ac Floribus distincta. Cœnabant sedendo omnes non in
 sedibus, sed in solo, super stasis Luporum aut Canum pellibus (in Toris apud Strabonem) ministrabant eis pue-
 ri juniores, ætate tenera. Iuxta eos ignes fiebant, iisque adposita visebantur Ollæ, & Verua Carnibus plena, maxi-
 me suillis, tam recentibus quam salitis: sed & omnis generis Carnibus: plerumque vero Cibus erat cum Lacte,
 ut scribit Strabo. Audiamus hic Athenæum ex Posidonio, sic fere Latine sonantem: *Celta fœno substrato Libatio-*
nes propinant super ligneis mensis parum exstantibus. Panis & is paucus (Panem hunc Fermento levio-
 cere, adnotat Plinius) *Cibus est. Caro multa elixa in aqua vel super prunis aut in Verubus assa: hanc Leonum, modo*
ambabus manibus Arvus integros tollunt, morsuque dilaniant; & si quid agrius divellatur, exiguo id cultello præcidunt.
Adponunt in Conviviis Pisces, qui Fluvii adcolunt, interiorisque & exterioris Maris littoribus: & eos cum sale, Aceto
& Cymino (quod etiam potioni injiciunt) assos. Et paullo post: Locupletes vinum bibunt ex Italia peti- tum vel Massili-
ensium regione, & id merum, interdum Aqua paullulum affundentes. Haftenus ille. Sed & ex fruge madida Potum
 ad Ebrietatem fecisse, Plin. est auctor lib. xxii. cap. ult. Ex Hordeo Potum, quem *Zythum* appellabant fecisse, &
 alium ex aqua, in qua favum Mellis laverint, Diodorus tradit. Quod ad Vestitum, *Saga* ferebant, notante Strab.
 eaque densa ex Lana texebant, *Lanas* vocantes. Hujusmodi *Saga* scribit Plin. lib. vii. cap. xlviii. *Scutulis* divi-
 dere Gallos instituisse. Quæ Pli. *Scutula*, Diodoro sunt *σχιδία*. Per quæ nihil aliud illi intelligunt, Nobilissimo
 Viro Iosepho Scaligero notante; quam quas Galli hodie vocant *Lansangias*, quasi *Lanrangias*, ab Lauri folio,
 quod habet Rhombi figuram, *Braccis* porro (quæ quod Gallorum essent, Tegmen barbarum Tacito) uteban- *Vestitum*
 tur Galli circum *extentis* vel *laxis*. Loco Tunicarum apud Strabonem Vestem habent Galli Fisilem manicatam
 usque ad pudenda & nates demissam. Manet hodieq; forma in ista Vestis genere, quod nobis vulgo *Pallatrock*
 vel contracte *Palt-rock*. Annulis dicit uti in digitis, nihil distinguens Diodorus; in medio tantum, Plin. natur.
 hist. lib. xxxiii. cap. i. Sed de his satis, ad specialiora Galliarum pergo.